



18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45

h 349
86506





金

鑑

所

未



金鑑圖
 中國 1 冊
 書號 66445

乾隆甲寅七月刊



金塗銅塔攷

表忠觀藏板

金塗銅塔攷敘

錢忠懿王承武肅之業歸土中朝尤崇信佛事當時寺塔之衆咸淳臨安志所載九廂四壁諸縣境中已八十八所餘蓋不可勝計周顯德元年王又建慧日永明院以居僧道潛卽今淨慈寺也踰年周詔廢寺院非敕額者而杭州所畱存尙有四百八十噫亦已盛矣其年王范銅爲塔塗之以金高四寸三分重三十六兩四版合成外俱繪梵夾故事其一內有文曰吳越國王錢弘俶敬造八萬四千寶塔乙卯歲記乙卯爲周顯德二年竹垞未見塔故誤爲武肅王事下各有一保字或作人字王之所建視前代尤多而願力尤大矣王嘗以五百塔遣使頒日本他皆

瘞藏于十三州一軍之內

竹垞據曹勳淨慈羅漢記謂銅塔率歸淨慈非也

厥後會

稽秦魯國第臨海赤山皆有塔出姜堯章亦得一版周晉仙作長歌紀其事今之流傳人間者常熟破山寺一蕭山祇園寺一嘉興白蓮寺僅一版順治中杭州慶忌塔圯則有塔百數而山陰陳氏所藏朱石君中丞上供

天府且為西清珍祕夫物之顯晦有時塔之建距今凡十五乙卯而金塔鐵券光耀千古王之功德豈不偉哉王之裔孫立羣作金塗塔攷請序于余乃書以弁其簡端乾隆六十年歲次乙卯三月南康謝啓昆敘

金塗銅塔攷

吳越忠懿王廿八世孫泳謹錄



考

嘉泰會稽志

善法院在府東南四里二百二步晉天福七年吳越建為尼院號永寧本朝大中祥符初改今額熙寧八年併尼入大慶以為僧院紹興初秦魯國賢睦大長公主寓第院中培地得金塗銅塔

輿地紀勝

臨海縣赤山絕頂有古塔塔之下有石函盛小銅塔塔內有

金塗塔列
銀壺盛舍利

程秘勝相寺記

有西竺僧曰轉智冰炎一楮袍人呼紙衣道者走海南諸國至日本適吳越忠懿王用五金鑄十萬塔以五百遣使者頒日本使者還智附舶歸

程嘉燧破山寺志

明中憲大夫顧玉柱墓在寺東今遷于墓門之東偏營墓時掘得吳越錢忠懿王所造阿育王銅塔今尊藏寺中憨山大師清公作記

憨山沙門德清金塗塔記

昔世尊入滅荼毘得舍利八斛四斗分作三分天上人間龍宮各建塔供養爾時阿育王親受一分散闍浮提震旦國得十九座明州阿育王乃其一也其式亦出自西域而舍利燦爛光明變現隨人各見亦有不見者蓋因障有厚薄耳二千年後五代時吳越國忠懿王承先業敬事三寶如式造小銅塔八萬四千座埋藏國內名山大川世未有知者我明萬歷初常熟顧耿光造其父憲副一江公塋地中掘出一小銅塔高五寸許如阿育王塔式內刻款云吳越國王錢弘俶敬造八萬四千寶塔乙卯歲記一十九字外四面鏤釋迦往因本行示相前則尸毘王割肉飼鷹救鵠後則慈力王割耳傳燈

左則薩埵太子投崖飼虎右則月光王捐捨寶首文理密緻
滲以金飾顧爲太史錢公母舅因公爲忠懿王之後以塔付
之公得此自號聚沙居士志因也乃送興福寺蘭若供養余
適東遊訪太史過洞聞上座觀其塔奇其事因記之曰佛以
法界爲身卽草葉縷結皆成佛真體况託象者乎良以衆生
逃本法身變爲三毒成八萬四千煩惱佛以普光明智熏三
毒爲三德祕藏故變煩惱爲八萬四千功德阿育王所造蓋
表功德之數量也吳越王做造銅塔如其數盡埋地中意表
功德藏于衆生心地冀啓一塔則見一種功德卽覩法界之
全身如從一隙見無際空見可以色相示之哉法身堅固歷

劫不磨隨緣應現太史此塔豈因地示性空之一隙耶

朱彝尊靜志居詩話

宋周文璞方泉集有姜堯章金銅佛塔歌云云曹勳松隱集
有淨慈創五百羅漢記略云淨慈山光孝禪寺錢氏時曰永
明寺慈化定慧師道潛居之嘗請于忠懿王求塔下金銅羅
漢象會王夢十六太士從師而行密符因如所求歸于精舍
是當時銅塔率歸淨慈矣近吾友周青士忽于嘉禾白蓮寺
見之別是一片乃鑄放下屠刀立地成佛故事係蔣處士研
僧果所施今訪之寺僧堅不肯承矣

曝書亭集

金塗塔
寺塔之建吳越武肅王倍于九國按咸淳臨安志九廂四壁
諸縣境中一王所建已盈八十八所合一十四州悉數之且
不能舉其目矣當日嘗于宮中治烏金爲瓦繪梵夾故事塗
之以金合以成塔鄱陽姜堯章得其一版乃如來舍身相陽
穀周晉仙賦長歌紀其事有云錢王本自英雄人白蓮花見
國主身蛇鄉虎落狗腳朕何如錦袍玉帶稱功臣考羅平僭
號王遺董昌書曰與其閉門作天子九族塗炭不若開門作
節度終身富貴無憂晉仙卽演其辭使聞者足戒此詩人之
善於取材者已鄉人蔣爾齡亦得一版作放下屠刀立地成
佛相以施城東白蓮寺僧吾友周青士所目擊曾以語余及
余歸田則爾齡青士皆逝詢之寺僧堅不肯承眞蹟不可復
覩遂書其事附錄晉仙之詩冀此瓦未爍好古之君子或一
遇焉

顧豹文表忠譜序

余少讀書保叔塔下距丈室十步許有一塔高不踰尋相傳
爲慶忌塔順治中圯有小塔百數陶製極工與錢氏所藏金
塔形式吻合其爲八萬四千中物無疑讀表忠譜遂併載之
以俟夫淹洽者

紹興府志


吳越錢忠懿王金塗塔凡有二一藏蕭山祇園寺一藏山陰

世襲雲騎尉陳廣寧家塔高今工部營造尺四寸三分其式類阿育王塔外四面鏤釋迦往因本行示相內有題名四行云吳越國王錢弘俶敬造八萬四千寶塔乙卯歲記十九字四行之下又有一保字或有作人字者與上文不相連屬應是造塔時所編記目耳按金塗塔之名始見于宋周文璞方泉集有姜堯章金銅佛塔歌而曹勛松隱集及程嘉燧破山寺志朱彝尊靜志居詩話周箕采山堂集錢氏表忠譜台州府志並載之明萬歷初常熟顧耿光曾掘地得忠懿王所造小銅塔僧憨山爲之記考據甚詳而朱竹垞曝書亭集有金塗塔跋語竟以爲錢武肅王所造其說蓋據周文璞詩後云

鄉人蔣爾齡曾得一版以施城東白蓮寺僧吾友周青士所目擊曾以語余及余歸田則爾齡青士皆逝詢之寺僧堅不肯承真蹟不可復覩據此則竹垞亦未經親見也其云乙卯歲當是周世宗之顯德二年

台州府志


吳越忠懿王造金塗塔高六寸重三十五兩內有十九字文曰吳越國王錢弘俶敬造八萬四千寶塔乙卯歲記錢氏子孫與鐵券俱世守之



金塔全圖



右圖見表忠譜高六寸重三十五兩塔內有一十八字
 文曰吳越國王錢弘俶造八萬四千寶塔乙卯歲記又
 四面腳下有一保字




金塔圖
 殘本






右圖見金石契朱竹垞檢討云鄉人蔣爾齡曾得一版
以施城東白蓮寺僧友人周青士所目擊者似卽指此
塔本四片合成此僅存一片又失去上二角故諸公詩
歌多誤認爲塔瓦耳




金塔圖
前






吳越國王
 錢弘俶敬造
 保
 八万四千寶
 塔乙卯歲記

金塔圖 後







保


金塔圖 左





金塔圖
右





右圖卽陳雪樵騎尉所藏全塔今歸朱石君中丞者也
塔上頂已缺其款識下有一保字與表忠譜所載正同

泳謹案先忠懿王造金塗塔在周世宗顯德乙卯至今

乾隆甲寅蓋八百四十年矣憶自壬子三月泳寓鳩江

長春園雪樵出以見示曾經供奉案頭者累月近聞中

丞貢入

內府爲天祿祕馱之珍矣謹輯錄舊聞合詩歌爲一卷并
繪圖附其中以俟


當代博雅君子賦詩紀事傳爲佳話云

詩

周文璞

觀姜堯章所藏金銅佛塔作歌

白石招我入書齋使我速禮金塗塔我疑此塔非世有云是
錢王禁中物上作如來捨身相饑鷹餓虎紛相向拈起靈山
受記時龍天帝釋應惆悵形模遠自流沙至鑄出今回更精
繳錢王納土歸京師流落多在西湖寺錢王本是英雄人白
蓮花現國主身蛇鄉虎落狗腳朕何如錦袍玉帶稱功臣天
封坼開卽退聽兩浙不聞笳鼓競歸來佛子作護持太師尚
父尚書令一枚傳到白石生生今但有能詩聲哦詩禮塔作



佛事同喫地鑪山芋羹何曾薰陸綺牀供但見相輪銅綠明
哦詩禮塔猶未畢蘆葉低飛山雨濕

周 質

過白蓮寺觀銅塔詩

銅塔如片瓦鎔鑄何工巧隆起欄楯形圖識尚可了知是五
代物厥惟錢王造是類八萬餘聚散不可保幾歷兵火災存
者今已少蔣生偶獲之什襲逾重寶施舍鎮精廬此意實微
眇誦公喜我至出示光尚皎窪處填黃金顯見諸相好屠兒
額偏廣下放刀仗小一者既若斯諸餘皆可曉

徐旭旦

寶塔詩

寶塔珍藏不記年黃金色相自天然燃燈古佛依青象面壁
維摩坐白蓮異質堅貞同琬琰奇文錯落費雕鐫嗣王雅製
惟餘一八萬四千何處傳

周震榮

金塗塔拓本歌

鳳皇山前萬松嶺碧波雲鶴空遺亭表忠觀但存二石金塗
塔况餘千齡深窞五夜範金土西域如來畱影形白蓮蹟古
僧難問白石齋頭詩可聽家山夢遠桐鄉好雅事人傳翠墨
靈坐想臨安千載上篤生異人五季丁弩卻胥濤樓疊雪排

金塗金塔
衙石筍山圍青萬姓依王王佞佛佛身千億千穹冥蜀漢同
時紛割據觸蠻一角悲燐螢叢叢誰衣山頭錦戚戚終憐牛
角甕翠鈿紫陌春花輦私第黃金海物瓶還鄉唱罷王孫去
保叔崔巍月入樛烏井荒祠遺老拜北邙宿草東風醒君去
更尋握髮殿蒼苔敗瓦或有功臣型

翁方綱

覃溪

題黃小松所得金塗塔搨本後

錢王瓦間晉仙詩朱檢討昔覲見之一瓦云落白蓮寺是耶
非耶吾弗知四王三世八十載十四州塏八萬奇寶所保俶
畱不得黃妃語記訛黃皮俶也上體祖父志合十讚歎經尾

詞幽州殿軍著臣節不獨獻納完城池繪象何必梵夾事桑
麻雞犬皆恬熙白衣相光來入夢踏錢牛兒當是誰天斜陰
款記乙卯多寶山石劖同時象之碑目未搜採弔古且復思
姜夔鐵幢鐵券亦可拓大書已泐東坡碑吾嘗手剔南漢塔
城東蕪絕古冢基豈如杭人念遺物一瓦一字猶寶持術奇
那必執歐史從來仁暴皆人爲模糊赫蹠廣倍寸簷鈴髣髴
湖風吹黃書張贈同日至一月印出千潭奇禾中秀才待親
訪書報錢七今無遲

何飛熊

前題

錢王作塔金塗瓦斂怨爲德羞陶冶一朝納土來汴京北邙
煙花徧青赭塔頽瓦亦恣飄零傳來一片白石生晉仙詩句
清且麗鋪陳象教何鏗鉤轉瞬江山時勢換巨筆崢嶸表忠
觀刻石猶難保不虧區區一瓦誰爲玩豈知寶蓄自有人千
年猶爲搨其真懷古深情那可道荒涼銅雀搜荆榛小松居
士世家子風流儒雅無與比裝成拓本憶塗金芳春恨滿西
湖水

程晉芳

魚門

前題

射潮之弩鐵券書武肅遺蹟今存無文孫建塔鑄塔瓦搨本

宛覩金塗塗佛容模糊略可辨獸像馴擾如堪呼豈其聽經
在林莽擺脫殺戮開頑愚此非白蓮寺僧所藏弄亦非晉仙
句裏所仿摹分明一片好烟雨入手翠剝山雲膚其背有文
肖隸古歲在乙卯開范模姓名深刻示恭敬下編人字爲合
符南朝四百八十寺侈想要遣百倍踰寶石寶俶費研考此
塔倘在王宮隅是年長虹貫樓殿從晉伐虢嗟哉虞吳越備
史乙卯
歲周世宗勅王會兵擊金陵火輪小兒兆見矣金輪廣被奚爲乎山河瓦

全人玉立袞衣赤舄中朝趨億人兆人免兵革王與佛力交
匡扶雖云奢侈厥功大歐公誚議毋乃迂近聞表忠觀初本
出土照耀錢塘湖楷書端正字絕小不似摹本肆弗拘後先

金塗塔碑
迭出果盛事寸綠大可聯碑跌仁人事事足千古創制奚必
追昆吾

朱琰 笠亭

前題

五代十國兵未戢臨安一隅偏安集至今人思吳越王關心
舊物謹收拾不然塔瓦冶金塗聚斂民財委殘劫胡爲得此
競護持皈依不在佛僧法四王三世八十年真主一出土早
納東朝安堵十四州那惜金錢供漁獵晨鐘暮鼓喧十方聒
耳不比軍鉦急保土功勳信足誇穹碑久爲表忠立昔年賜
券范鐵書天台孫支藏什襲

聖帝南巡到浙江念舊揮毫爲題匣王家功德重人間一瓦
流傳偶相及試看遺蹟在西湖寶所還稱保叔塔

朱珪 石君

錢忠懿王金塗塔詩 并序

塔高今工部尺四寸三分重三十六兩四版合成中
刻吳越國王錢宏俶敬造八萬四千寶塔乙卯歲記
記其一空其三各有一保字外四面鏤佛歷劫捨身
事蹟約略可辨上出四角八觚外金剛八內佛相四
其下趺每面羅漢三蕪湖令陳明府聖修之子廣寧
得之於紹興壽量寺僧竝錄明憨山沙門德清記見

遺按記稱高五寸蓋塔上有頂作浮屠狀今已缺又
所稱飼鷹救鵠相殊不肖則此塔與憨山所記是一
是二未可知也薛居正五代史俶爲武肅王鏐之孫
漢乾祐元年戊申正月十五日胡進思迎立之茲塔
造於乙卯歲是在周顯德二年爲俶嗣爵之八年距
今乾隆壬子實八百三十八年矣又按宋史俶名本
二字以犯宣祖偏諱去之今刻二名則在宋以前無
疑又周文璞方全集有姜堯章金銅佛塔歌歌云上
作如來捨身相饑鷹餓虎紛相向又云錢王納土歸
京師流落多在西湖寺爲得其情事而王漁洋尚書

朱竹垞檢討俱未見其物臆斷爲錢武肅之事則誤
也竹垞又云鄉人蔣爾齡曾得一版作放下屠刀立
地成佛相乃知此塔所鑄故事本不一也今此完好
無缺猶見五代時舊物是可珍矣爲詩記之

陳君遺我古銅塔金塗赭駁般匝匝厥高四寸重六鍰范像
鏤文辨可揭吳越王俶乙卯年敬造八萬有四千顯德二載

周禁烈

是歲周世宗
毀銅佛鑄錢

開國五世錢江偏佛說捨身事茫昧薩

埤飼虎同歌利月光慈力解六根空色人天摹瑣碎巍然四
角環金剛功希孔雀阿育王江潮歸海表忠峙十四州土完
保障堯章頂禮歌文璞王朱傳聞譌武肅剎那八百卅八春

恆沙湧現金輪煜

沈景熊 嵩門

題朱中丞所藏錢忠懿王金塗塔

武肅崛起錢江濱射潮剿寇疑天神瞻原逐鹿靡有定乘時
 守土稱功臣傳世五祀及王俶耽耽虎視強鄰嗔顯德乙卯
 周二載北劉麀戰川原殷思惟佛力佑國祚鑄造銅塔金塗
 身雕鏤歷劫捨身相金剛帝釋周環陳我昔曾覽四朝錄回
 峯塔底埋金輪輸資多是宮壺出連書王俶偕妃嬪周歌姜
 拜信目覩綴語直與銘辭新王朱耳食未全見以孫作祖胡
 汶汶嗚呼周宗廢銅像此鑄彼燬疇當遵君不見柴顛趙崛

猶等閒太師上相錦衣玉食終天年

黃洙 西崖

前題

黃金塗塔金半蝕造仿阿育王之式鈴鐸無舌外以方頂立
 四極角鬢鬢重八百六十四株高冊三黍十寸尺邊隅略成
 磨鎔光凸凹微帶苔花碧金剛羅漢尚可認如來捨身相難
 析內記造歲維乙卯吳越國王倣名勒寶塔八萬有四千存
 此靈光足珍惜我思法輪萬古新皎夢漢庭猶一昔壽佛之
 壽同金堅木像終積石幢泐錢塘江水秋復秋恆沙之數微
 塵積遙情咏古說錢王示現因緣忘佛力載稽前史證內典

以詩代記書其實

米澗齋

前題

金塗佛塔高四寸歲久苔蝕黃金褪
 慈力維護妙相存我佛
 不磨有宿願春陰如墨簾垂堂料峭
 細裊旃檀香叩頭盥手
 撫圭角干城四上羅金剛中間圓鏡凹
 依起六根解脫生歡
 喜古王度世鏤為文公子好奇摹入紙
 陳公子廣寧曾為墨
 揚數紙并題識于後
 錢塘潮怒一矢還王家霸業誰能刪
 八萬四千一燈現八百
 餘載畱人間靈隱有幢漫登陟
 杭州靈隱寺前有石幢
 石塔皆吳越王倣建造
 且看
 几上須彌山

陳廣寧 靜笑

禮金塗塔同徐山人華聯句得四十二韻

銅塔昔瘞藏寧流傳自吳越幻妙相時現華燦爛光未歇
 處或填金寧鑄日比鎔鐵救鶴形模成華飼虎像鏤出首訝
 月光捐寧耳驚慈力割投崖志願誠華然燈肺肝熱滲以莊
 巖華寧重之文理密年深苔蝕繡華歲久頂殘缺獨將本行
 示寧誰把往因說惟昔忠懿王華正覺不磨滅盡圖國藉朝
 寧實欲邦人活納土謀斯臧華稱臣身非屈漫依臥榻睡寧
 難為降王詰超妙禪理深華慈悲佛緣結三千法傳勇寧十
 四州棄決頑豈李密同華功實寶融匹迷與悟苟殊寧賞共

罰自別止觀原不二華定慧總歸一憶當塔初造寧示夢現

諸佛已教煩惱解華豈遣功德絕西湖道潛師寧法像實始

乞永許供獅王華遂見歸象闕隨緣真體露寧歷劫普光徹

埋有八萬餘華土尚千百沒昔讀文璞詩寧曾禮白石室或

許處士觀華或許虎頭掘堪笑王朱輩寧難免考訂失試看

繫姓名華且復備年月何因稽古人寧竟指婆留物君家富

搜羅華鼎彝頗排列此塔得珍藏寧會能悟解脫誦經時禮

拜華焚香幾瞻閱轉思五季時寧遺事難覆述佛子希護持

華梵宇多散逸何年此出土寧寶筏見恍惚茶毘湖世尊華

舍利畱禪窟變化身成萬寧供養級數七宮殿範土金華製

作猶髣髴西域應從繼寧南漢那能將形影走鬼魔華像狀

妙凹凸十方訝蓮吐寧衆生喫棒喝朝夕禮相輪華定當佑

顛蹶寧

阮元芸臺

題錢忠懿王金塗塔搨本後前有考一篇未錄

晉僊居士白石翁哦詩禮塔書齋中當年此塔世已罕何期

手搨金塗銅金塗冶塔合四片寶像曇花開面面頂出觚稜

窳堵空款字三方皆可見國稱吳越王姓錢敬造塔八萬四

千已從阿育敬三寶乙卯奉朔猶周年迄今龍集歲癸丑物

壽八百三十九黃金剝盡相輪摧本來面目仍長久摩挲面

金塗塔

詩

目認金仙珠林崖虎諸慈天月光寶首尸毘肉捐舍念比金

剛堅錢塘金錫賦如土官民造塔多戊午蕭山夏承鑄銅塔

塔皆戊午不似中原少貨錢盡毀金身付鑪鼓乙卯造塔之

後此三年毀銅佛像鑄錢比邱七級頃時成震旦東南施衆生一塔即


具一功德如來隨放金光明梵夾劫塵成往事可憐鐵券鑄


金字玉冊錦袍歸大梁惟有浮圖鎮山寺白蓮詩句采山詞

惜無款識空吟詩檀我喜得全相欲示小長蘆釣師

小長蘆

中法藏





Inches 1 2 3 4 5 6 7 8 9 10 11 12 13

Centimetres 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Centimetres

Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

